



01
730

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj:11-06/02-34-58637-¹⁵⁹/26
Sarajevo, 18. 02. 2026. godine

SKUPŠTINA KANTONA SARAJEVO

Ovdje -

n/r Okerić Elvedina, predsjedavajućeg Skupštine Kantona Sarajevo

PREDMET: Odgovor, dostavlja se

Cijenjeni,

Ministarstvo za odgoj i obrazovanje Kantona Sarajevo (u daljem tekstu: Ministarstvo) je zaprimilo zastupničku inicijativu koju je uputila zastupnica u Skupštini Kantona Sarajevo **Elza Gaković** u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), na 28. radnoj sjednici Skupštine Kantona Sarajevo, u okviru tačke Dnevnog reda “Poslanička/zastupnička pitanja, inicijative i odgovori”.

Zastupnička inicijativa:

“Tražim da nadležne institucije Kantona Sarajevo hitno i bez ikakvog odlaganja ispitaju sve navode o psihičkom i fizičkom zlostavljanju četverogodišnjeg djeteta u Privatnoj predškolskoj ustanovi na području Kantona Sarajevo, o čemu su javnost i institucije upoznate putem medijskih izvještaja od 10. februara 2026. godine”.

Odgovor:

Ministarstvo je o navedenim saznanjima informisano putem sredstava javnog informisanja, te je odmah po zaprimanju informacija, dana 11. 02. 2026. godine, poduzelo aktivnosti iz svoje nadležnosti.

U skladu sa članom 40. stav (6) Zakona o predškolskom odgoju i obrazovanju u Kantonu Sarajevo („Službene novine Kantona Sarajevo“ broj: 26/08, 21/09, 33/21 i 31/22), upućen je zahtjev za provođenje inspekcijskog nadzora radi utvrđivanja svih relevantnih činjenica i okolnosti u vezi s navodima o fizičkom i psihičkom maltretiranju djeteta JU Kantonalnoj upravi za inspekcijske poslove Kantona Sarajevo (u daljem tekstu: Inspekcija).

Istovremeno, upućen je zahtjev JU Institutu za razvoj preduniverzitetskog obrazovanja Kantona Sarajevo (u daljem tekstu: Institut) za vršenje stručnog nadzora nad radom direktora i odgajateljica za koje postoje navodi o neprimjerenom postupanju prema djetetu u Privatnoj predškolskoj ustanovi “Bambini”.

Također, Ministarstvo je od Privatne predškolske ustanove “Bambini” (u daljem tekstu: Vrtić Bambini) zatražilo izjašnjenje i dostavljanje informacija u vezi s navodima o fizičkog i psihičkog zlostavljanja petogodišnjeg djeteta.



Adresa: Reisa Džemaludina Čauševića 1, 71 000 Sarajevo

Tel: + 387-(0) 33 562-128

Web: <http://mo.ks.gov.ba>, E-mail: mo@mo.ks.gov.ba

1/2

Nadalje, putem medija smo informisani da su se istražni organi uključili u rješavanje navedene problematike, te će Ministarstvo, po zaprimanju informacija od Vrtića „Bambini“, Instituta i Inspekcije, sva saznanja dostaviti nadležnim istražnim organima.

Ministarstvo ostaje opredijeljeno da, u okviru svojih nadležnosti, osigura potpuno utvrđivanje svih činjenica u vezi s navodima iz predmetnog slučaja, te da, u saradnji s nadležnim organima, preduzme sve mjere radi zaštite prava, sigurnosti i najboljeg interesa mladb. djeteta.

S poštovanjem,



ić

Dostaviti:
1. Naslovu
2. a/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba